



春藹堂續集卷之二

貴州石阡府知府前誥授奉政大夫戶部湖廣司郎中奉命監督寶泉局大通橋海鹽陳奕禧書景

還京集

丁亥嘉平北上舟泊閶門題畫作

羅漢蒼松三兩枝奚囊收得道傍竒滇南秋色何
人記畫出吳閶雪裏時

舟泊閶門憶十月遊臨平安隱寺所見戲

寫

吳都誰識歲寒姿瞥見蒼龍帟上時曾在安平泉
畔遇月明獨撫百年枝

楓橋雨中

漫拂征衣雪點輕風威吹作歲崢嶸客心尚逐寒
潮去一夜楓橋聽雨聲

題畫松

豈為勞勞歲月虛先生筆研不曾疎故應戶外蒼
穎叟獨立寒天伴著書

又題

畫松不作畫師筆形勢村麓法度荒只寫吾生孤
直意叅天一樹自蒼蒼

無錫夜泊

寒樹低煙漸暝遠天孤鳥方還一帶江城環碧浮
圖對倚青山

為查又微作書隨筆有述

誰剪吳淞一丈綾欲教點點墨花騰閭門雪裏畫
舡曉忙煞行人正寢興

其二

翰墨風流四十年慙為流播萬人傳君家兄弟俱
親串况結當時研席緣

其三

少詹侍從在京師指石澂云我自蠻方出牧遲萬里歸來
一世隔老年交好慰相思

其四

寄居一室在吳閭一水盈盈遠故鄉多爾情深猶

有我杭州一月共傳觴

其五

人生聚散何嘗定世事寒暄不用牽但得此杯常在
在手試看謝脁是前賢

其六

勝事烏程古所聞不疑本是我同羣尺餘縑素求
書急聊當衙齋白練裙

又微子吾甥也
時在坐乞書

題蘭竹畫

幽溪流出碧盈盈脩竹叢蘭相對生多少微言聽
不盡儼然君子坐來清

題畫蘭

瑣碎莫嫌文待詔便娟難擬管夫人從心點出天
然趣應有風吹紙上春

偶效文待詔戲題

曾覩停雲卷子奇一方妙染一方書幾能後學追
先輩自覺機神與格疎

題山水畫

華原本自具仙姿山水天然畫可師吾意若能通
物理筆頭動處不難知

憶石阡郡四絕句

山半古招提雲光日夕迷無人扣禪榻長聽白猿
啼

其二

郭外溫湯水樓頭萬馬山追遊吾自樂郡境尚相
關

其三

歸後已一載猶思五老峯蠻中有竒賞都付白雲
封

其四

秋色梧桐老春風桃李蹊未忘齋閣勝欲往夢應
迷

題涂呈書小照

與我周旋久已同神情自共筆相通譬如月裏看

花影盡入模糊老眼中

其二

松子應離穀食年三毫猶向靜中傳不須更採靈
芝藥玉骨珊珊本是僊

鎮江府

鐵甕堅城築幾圍今人何是昔人非山頭狼石藏
甘露縣界飛龍鑿赭衣花憶杜鵑隨寺老洲臨揚
子隔江微蠅營不盡勞勞者空有長歌送落暉

沈蓼伊周又英呂長源同行舟次丹陽作
不離墨瀋與詩囊故舊相將載一航楚雨作寒剛
臘月江湖逆上到丹陽時艱無計支門戶客慣渾

忘去井鄉覽古癖猶除未得明朝期訪戴顒房

甲申之臘予赴石阡守過邗上周確齋李

百藥喬無功介夫吳綺園郭于宮殷彥

來鮑又昭方覲文唐序皇諸名士相聚

留連文酒之會者半月丁亥之臘予以

迴避赴補復至追思舊讌忽已三年矣

無功捷南宮為庶常綺園獲雋于宮覲

文考入武英殿修書百藥老死惟確齋

彥來登舟來見由前感後遂成此作

三年前此一傳觴猶憶康山舊草堂今日襟期悲

聚散幾人才調得飛翔雁迴寒渚求同侶雪作新

春隔故鄉未卜雙旌何處是多君望我領維揚

左太守

園二月將補常卿去其職正在三月故知已以此相期也

邵伯鎮謝安所修

扼塞淮揚巨鎮雄荒亡爭抵及民功請看邵伯今

時埭何似隨家舊日宮堤上香塵春草歇雨中賈

舶夜燈紅煙波妙筭斯明哲遠矣鳴夷幾兩風

贈淮徐憲使劉玉衡

清裁嶠嶠俯千秋爭說人間第一流公讌曾題寒

水井法書因剡括蒼州政繁尚咏新詩細臘盡能

將過客留斟酌一尊風雪裏淮壖何似剡谿舟

清江重晤船政司馬滿京山

萬里勞人尚未休蒲帆又過宴花樓淮陰市上酒

初熟公路浦前冰欲流黔太守歸天外郡船司空

漢造船官亦地名在潼關內

在楚南州交游似子真難忘重與三年

話別愁

元旦述懷

欲換征車暫泊船清淮晴雪曉來天春王又是元

正節花甲重逢戊子年弄筆愛留三體法耽詩敢

望萬人傳放情不與時相忤瀟灑軒纓自在禪

渡黃河

風沙曠野莽蕭蕭鈴鐸重聞驛路遙

予自深澤令入郎曹不從陸行十五年矣

一領緋衣纜去國三年蠻服却還朝身經淮浦冰

凌渡心觸滇雲鐵索橋九點齊州行已遍篷窗竹

擔當團瓢

曉發金城有寄

五更鴉噪暗窗前繡被香溫人自眠想得夢應憐

遠客板橋霜裏見垂鞭

王家營食銀魚

宛然鬢鬣玉脂凝乍可嘗新凍未曾華服似邀三

品賜麗官豈合一條冰鮮呈庠飪宵來饌白躍漁

板雪後罾鷺脰湖邊風味美清淮入七不須稱

除夕山陽司訓求夏侄走清江來送兼致

廟後畧

校官能嗜學得似阿咸稀一卷堪銷日三鱸莫療
飢前經刺羅甸今會返皇畿薄祿吾猶戀旌麾
帶雪飛

其二

只為送行急盡拋除夕忙自言首宿苦藏得峒山
香大雪下不止一甌清共嘗明朝獨烹處河水隔
蒼茫

予自征行呼馱轎為健艇今仍乘之

一輿兩騎日跣趺迢遞春寒載以馳壅腫狼裘圍
瘦骨溫磨綾被護薰爐郎官覆紅綾被子本省曹猶得用之蓬壺冰雪吟
僊境槐國功名幻壯圖辦得安身新法好用之涉

世未為迂

自眾興集行經崔鎮宋文丞相過此有詩

轎上長隄坐臥間向陽窗戶乍開關近檣落處輕
於鳥曉霧收來黑似山地鑿鍾吾詢水害詩留崔
鎮惜時艱征行不盡廢興感衰柳啼鴉自往還

司吾行

煖烘簾閣睡兒女縱有嚴寒到何許黃河地濶風
力加暗天勒霧凝霜花老人襍被不得臥五更催
上馱轎坐坎泥陷蹄簸若箕瘦面龜皮冰作唾少
時挾策司吾行四十年餘過此城燕趙滇黔中復
外空將宦跡勞吾生花甲衰殘又添一瘴嶺纔歸

東裝出須知行役不如家誰信尚平婚嫁畢

曉行

不知誰是客但看道傍人兩歲將餘閏新年未及
春稜稜寒尚在日日霧連辰豈樂長如此孤清念
老身

司吾屬宿遷縣

鍾吾子國司吾是年遠春秋版築殘指點宋人遷

宿處馬陵山近馬頭看山在司吾驛南二里高十五丈

下相

沙捲悲風下相城項王祠宇已頽傾始皇自敗秦
天下亡命因成豎子名

即事

行行離澤國望望極平原鴻雁雲邊字秋千野外
村柳林含綠色麥隴見霜根取次青帘下燒春醉
一尊

紅花舖道中

噉口行人蹋曉霜東溟初日曝晴光栗林蔽野民
為業鴈陣寥天物自翔巨浸環流沂水潤青山互

接馬陵長

沂水源出艾山水經注沂水出尼山西北經魯雩門即所謂風零而浴乎沂者又新泰縣有沂州城以為沂水所出而名

又武陽之冠石山有水亦謂之沂水如此則沂水之源固自不同曹能始曰其下流入淮泗則一今東出者入海西出者入駱馬湖水道又不同矣周禮青州鎮曰沂山又曰其浸沂沫蓋沂亦古來巨川也馬陵山在郟城縣東十五里北亘沂州南抵宿遷其高阜狀如馬相傳即古瑯琊山今司吾驛外馬陵山起伏接連在沂水東西至李家庄猶可見也
適郊尚紀宣尼跡也導車徒入魯疆

郟城

賢聖相逢地猶傳蓋共傾莫尋郟子宅惟有問官

城郟子國故城在縣北今縣倚其舊郭南面大可二十里北與西面猶存宅在故城內落落存茆舍離離

事耦耕二千年舊國遠想後人情

孤蓬

暖閣南頭秘殿陰乾清宮西間西暖閣下與上每居之謂之南書房相望三年夢想

到如今孤蓬敢惜投荒苦老馬終懷戀主心曾

捧宸章當日午每邀優旨待更深詩書誇比

詞林好臣蒙召入南書房每奉命有所作上輒使李太監傳旨與大學士張玉書吏部尚書陳廷敬工部尚書王鴻緒

翰林好如是者三皆跪而接外間不知臣亦不敢言真使微臣淚滿

襟

放歌行同沈蓼伊

古人去已盡今人空漸老故交一相逢黯然此懷

抱淑氣變衰楊輕冰滋碧草未消千里志同上長

安道六十有餘人長安春復春處處玉缸瀉家家

花樹新文章誇意態富貴豔精神自顧蓬萊色何

妨落後塵

沂水上作

諸子各有志取舍會當任為國孔公哂行春點爾

心零臺高還下沂水淺復深浴風信所適童冠隨

相尋躍然鳶魚趣掃除物欲侵賢乎何自樂聖與

此冲襟妙解曠無我斯言垂至今逝川去不息遊

子動微吟朝陽拂衣袂東風吹樹林試聽波響處
如帶瑟希音

東蒙山屬費縣在徐公店外

晚過徐公店望見東蒙山眼底青螺黛數峯何瘦
孱頽史國不存其主久除刪蒼然歷廢興山色日
以閒此意極太古返照下山閒

人日

迢迢新歲逢人日一月征途遠離家幾點未消陰
礪雪馬頭認是落梅花

蒙陰道上

正月晴和漸好天青齊路近海東邊網成柘樹春

餘繭麥潤龜陰雪後田盛世即看歌帝力斯民今

得遇豐年余赴黔由濟南正遇通省飢荒臥遊愛煞東蒙色健艇前頭

拔翠蓮四十年道路名所乘馱轎曰健艇

寄廷益弟赴萊州太守兼索漢唐諸碑

我牧夷州日弟方迴避時丙齋大兄擢少司寇弟以西曹郎中迴避我今迴避

返予赴石阡以實齋三兄撫黔迴避弟出牧萊夷別思縈三載官聲守

四知漢楊震為東萊太守四知之畏正此地也晶明看石色郡產石或青或白耐鑄礪成器甚輕妙而

凍玩花枝張三丰自仙山移植蘇現家二百年大小如舊寄語求遺績留心搨舊

碑漢楊震并太守劉將軍唐萊州刺史于府君諸公並有碑于府君碑沙門重潤八分書開元十年七月編摩承集古

不朽且相期

少司寇丙齋大兄覽予樂回集即用回字

作八絕句子因初自黔歸人事碌碌未
及和荅新年北途行役間追思舊事且
在兄別墅一宿復叨曲宴而別中懷繾
綣漫成却寄

駘盪風光紫陌來弟兄花下散朝回依稀天上人
間事長望觚稜夢裏猜

其二

樂回江上夷州牧夷州即石阡郡也有樂回江予取以名南行之集不信春江送樂
回一宿閑園深剪燭兄別墅曰閑園取李白閑園養幽姿之語見兄疑是夢中

來

其三

亭沼初成便到來倚天紅亂海棠開記隨叔父看
花後三十餘年又一回簡齋叔父初闢此園園中有西府花百餘年舊物高四五丈大可覆三間屋開

時花蕊茂密紅豔烘天子同眾客謙賞賦詩計庚戌至今已三十八年丁亥復一到而叔父久歸道山矣

其四

中朝舊德晦風裁日事閒吟醉幾回白樂天自刑部尚書致仕居洛自號
醉吟先生可惜洛中無九老香山白傅自歸來

其五

令弟封章慕老萊官家賦選費清才宮詹乾齋弟以叔父年高請假歸養
奉旨即家中開局選刻賦彙一書唱酬得似劉賓客八里詩筒半日回

丙齋兄園去城八里半日村亦唐詩人即士元之隱居也

其六

萬水千山得得來緇衣曾不惹塵埃歸人也豎點
靈拂疾走逍遙老萬回

用神僧萬
回探兄事

其七

雙轡載得故鄉回暢對田荆樂舉杯奏罷清歌還
縱筆醉中嘖嘖聽輿僮

時兄新居初成酒半索予
書碧涵堂大額觀者如堵

其八

翠岑殘雪憶園梅欲寄南書鴈北回一片吟情消
不盡却隨松籟過徂徠

詩成適至
羊流店

新泰遇豐城宰周在霄兼寄及門祝靜方
路岐適遇豐城宰縱有封書不及題歸去若勞親
友問爲言身健過青齊

泰山行

鍾吾迤北連延五百里岡巒隱伏迴互鬱然起馬
陵瑯琊東蒙帶河障其外五沂五汶濟漯濰淄浸
潤沃澤灌其裏左翼宮山岉嶸新甫連徂徠坤維
高拱平原中間特聳此崇臺下視八極狹九垓靈
嶽踞之尤崔嵬森寒列仗青帝宅永奠東方主生
籍呼吸杳冥天之孫班位長爲五嶽尊神房阿閣
結構密海宇洞天三十六之一時維辛亥中秋鼓
勇登仰視層巔但見空際青騰騰呂政雄圖磨礪
無字碑欲與日觀月觀越觀秦觀相憑陵丈人峯
竒高一丈輪囷豎撐西華巨靈掌我曾五更大叫

飛坐峯頂渺颺溟渤波搖蕩叫起羲和叱馭搖光
射彩躍出隅夷上畧彼東中西溪芙蓉懸刀神泉
簾瀑諸幽蹤黃華竹林招提洞壑雲亂封直下半
阪五大夫松早枯死兩巖對生羅漢蒼虬若孫子
其間開元乾封磨崖二壁存漢分晉法大書深刻
斑斑紀吁嘻溯古封禪七十有二君博求大禮殘
闕典冊遺其文濟南老儒淹雅公玉帶上稽黃帝
明堂名曰崑崙獻圖繪漢武依圖建之亭禪山只
今離離一片山草向風閒山東墳起唐宋舊壇尚
有二大中祥符王旦奉勅紀其事石經剝蝕雖未
墜七百年來雪霜雨露獨立牧人來往地胡為乎

白光老父去矣忘還鄉稷丘道士擁琴不復迎路
傍當時成功敷政開青陽華夷陪位千乘萬騎歸
茫茫征衫拂拭晚入嶽廟拜默坐青帝端拱無為
真不壞喟茲秦松漢柏並唐槐無知凡木得附山
靈長養華滋萬歲千秋觀世界

蒿里山

即亭禪山又名社首山在泰安州南五里漢武建明堂處

隴隴斜日下天門此地偏消過客冤蒿里山前莫
憑吊古來封禪幾家存

立春日歷下遇萊州太守舍弟廷益次早

予即北行

惜山湖畔正春生虞舜祠前逢弟兄萬里鴈行同

一宿兩家館舍列雙旌東萊難得連枝會北渚翻
牽折柳情好是上元花火夜旅吟獨對月華明

禹城曉起

雞唱催人起宵征為路長微燈離野店落月近晨
裝漸出高唐地春秋時高唐亭在焉還來厭次鄉顏碑在何處飢
朔問東方

田碑并序

戊子春赴補至濟南聞朱山民言德州
田少司農公墓碑刻成先是甲申夏予
將赴石阡公之長君念始遠書厚幣走
京師徵予書者計十通司農公之歷任

誥勅及諭祭文咸萃焉憶予丁巳以諸
生北試公方為水曹郎在比部謝方山
座上極賞予中秋詩十年後予登朝籍
公自刑侍轉戶侍為予臺長未幾請告
歸三年而卒當申冬過德時拜奠几筵
宿於古歡堂今聞鐫勒畢功愧予無古
人碑版體勢而喜公之昭垂則永永矣
東陽自惜賞清才索靖曾邀譽一臺記送江南衡
鑒日飽聞羅甸節旄開百年事載王言重後代人
看墓碣來追美廬陵同涑水書成故吏有餘哀
上章引病謝司徒高蹈今人得似無只仰朝端名

德重敢將風義死生殊心傷遺著存新簡臥冷書
堂聽夜烏令子更能敦世好資予投老百蠻途

向北風沙日多戲題

捲地迷人日日生如煙如霧此中行翻思楚岫黔
江外自許衣冠面目清

長清境望上方靈巖寺

名山藏古刹纂繪表靈巖深洞三門啓青符四面
劖曦輪射泉石佛塔影松杉焚去十七載經歸六
百函鐵衣何代鑄殿詠自隋嵌書梵林風出宵鐘
嶺月銜客思飛淨宇僧定隔塵凡結足緣猶淺驅
車若過帆

寄宮詹乾齋弟

雲臥衣裳雨濕旌歸依樂園燕巢輕竹郎若為遨
遊返花堰翻如逆旅行舊宅拙閒欣比舍南堂冬
日接雙清故鄉兄弟連枝會卜夜壺觴萬里情人
逐星華時漸換兒嬉廊閣記尤明母能決弟纓弁

貴

叔父舉子遲初得弟數歲甚愛之過房於先太宜人俗謂之寄拜蓋欲其
延年福澤處處皆然太宜人親為刺鶴補衣之每見予與弟嬉戲而弟凝

然不動太宜人
曰此必大器也

媻亦酬予筆墨精

四媻當予入學以銀管
雙枝漱金五玉墨見餉

追念童

蒙皆往事即看宮相已名卿報親日永詩篇在荅
旨書竒賦彙成襖序臨窗尋研滴頭網擘餅試
茶鐺固知威鳳儀堪美那識魴魚尾尚賴珍重瀧
阡新立表馳驅冀闕暫分荆雪深淮海淹殘歲春

入青齊過幾城紅想梅花庭院臥綠萌新草野塘
生仲言倚閣閒能咏康樂懷園夢自縈鴻鴈有行
迴水澱風沙撲路近神京若邀一郡江邊去乘便
還將理酒觥

過鄭州

趙北湖堤望渺茫兩城相對曉蒼蒼唐州漢縣俱
頽廢遠近人惟事藥王

宿白溝

千古斜陽不少畱敬瑭同與契丹休風塵過盡京
朝客更有何人問白溝

莫笑

黃塵飛起四原空暮角吹殘戍艚風莫笑白鬚猶
郡將匣中藏得劍雌雄

濟南韓太守周京告予蒲州吳天綺霞為
其兄天章雯走新城求大司寇漁洋先
生作墓誌天章予友也卒于乙酉七月
詩文高妙素為漁洋先生所稱予聞天
章凶問方赴黔守憂愁之際未及以詩
哭之今感其弟之篤於友愛且補此篇
以當誄章

死矣吳夫子生平志莫酬蓬華未安青簡斷遊竟
直到九泉休昔愛君詩會燕市恰值中條就甲仕

君方奏賦明光宮聖人抽落命數窮

君以博學宏詞薦御試旋幾玉衡賦取

中八十人君在其中上閱至半以人數多隨手抽落三十卷而君遂蒙放棄矣

翻然歸走王官谷念我

嬌兒親教讀貧交不屑計脩脯寄興無言對松竹

南山絕欲荷長鏡名藍每爲稱栖巖

蒲州南山有栖巖寺梁時名刹也同

向孟庄秋看菊山外柿林紅滿麓醉吟自合麋鹿

羣紙窗燈火君留宿忽然思效計然謀賜不受命

巨賈籌書生落拓豈其輩蕭條底事成東流我被

薦書宰畿甸春風二月來相見下榻西堂賦別離

閒宵仍檢漢唐碑始辨馮生書判學不如魏晉是

良師一室晤言幾兩月回憶家山採薇蕨我亦含

香登版曹君遊京洛舊青袍紛紛博學金門客猶

讓蓮洋筆勢豪驅車復向汴梁去數載音塵不知

處乙酉春將守石阡七月知君凶信傳老夫愁病

方欲死哭君清淚如鉛水五年迴避出黔靈皂蓋

經過歷下亭聞道新城二千里可憐愛弟乞兄銘

新城先生史公筆銘辭無愧不輕出自從少壯及

老成雜見諸篇尤歎述延祖孤兒誠可傷豈同商

隱譽冬郎數竒不偶天難問端賴斯文永閉藏積

歲收君美詞翰篋中長覺光凌亂仙骨何殊李翰

林清標儼接嵇中散元和有脚詎能專懷仁結構

無後先蒼茫兼豎高岑幟韻秀劉韋乃餘事如此

良材萎作薪胭脂賣與東家鬻悠悠望斷蒲津水

獨展遺編有故人

輓揆正叔 并序

余居農曹辱承北門政府見招以其第
三公正叔學業相屬講習年餘甚相
得也余所著金石遺文錄百卷叙述
周秦漢唐以還篆隸八分諸體附以
歷代名家題跋有未合者一為駁正
且兼以訓詁正叔覽而善之許助千
金雕鐫傳世康熙甲申予出守石阡
數寄書趣取未及報丙戌予迴避歸
戊子正月廿二日抵京師而正叔於

十四日死矣聞其屬纊時猶時時問
余到未余聞而酸鼻蓋正叔與余交
深義合有不同泛泛者哭之以詩欲
使其名姓見於余集中也正叔名揆
方選授和碩額駙和碩康親王之壻

云和碩猶漢言郡也

當年明月共三人相屬悲歌軼與詵屢入朱門陪
玉食新揮老淚泣天麟心存秦漢文將墜書慰滇
黔墨尚新不謂吾生如寄耳 用東坡和王晉卿詩語 祇憑昨夢記
音塵

題畫

葵萱艷色自交加
簾外薰風日影斜
雲過忽當輕雨散
一雙翠鳥上桐花

奉懷睢州王慎三司憲

畫省蘭言昔共依
白門拂袖意多違
遙知梁苑經行處
夢想交朋定已稀

一自羅施別玉除
誰言雙鹿盡行車
此心萬里何由達
曾到淮安寄尺書

題平湖錢御章小像

駘盪春光上柳絲
一編獨坐自尋思
仲文也覺風流甚
學得王維畫裏詩

題落花蛺蝶扇

纔觸花香便不勝
雙飛却似醉懵騰
春風好煞人誰覺
豈羨漁郎入武陵

題小樓高柳扇

雖遇春風遍綠楊
手中紈扇自淒涼
無端畫出封侯意
也覺粧樓日更長

題洛神扇

君王不得為天子
半為當時賦洛神
我想玉鑲金帶枕
只教腸斷水邊春

題巢大司寇雙松五柱圖

萬丈間山竦處尊
西來燕薊作根源
岡頭莫把雙松看
箇是靈椿長德門

金天氣象肅高寒矗立峩峩司冠冠扇得祥風行
萬里故應薄海見迴瀾

白石翁推老畫師

予家有沈石田畫此圖

五株那及此離奇香分

金粟天邊樹何物凡花敢浪窺

返棹泮江慰十分公餘剪燭話微醺極知幾許重
來事踴躍星文在紀羣

奉和商丘冢宰春日雪後西苑啟事原韻

春堤瞻望築新沙點點瓊瑤起曙鴉白傅藤枝森
六出光分銀樹燦三花灞橋得句前賢癖御苑迴
騶十里賒制國餘閒乘興在遂良雙鬢未曾華

題王紫衍憲副焦山別銘圖

欲濟探奇志嘗勞訪古心江濱刊傑筆焦麓塵胎
禽剝蝕蛟龍取湔摩歲月沉好名天甚妬後代託
知音

其二

真逸隱華陽山樵號上皇行高文字貴身物姓名
藏永叔求差備南邨考未詳使君耽此癖按榻獨
俛俛

史少詹曹司招同諸子讌集

高齋良會盍朋簪幾酌杯行夜已沉官遠最憐重
到日年深尤見故交心池邊抱璞空垂泣爨下焦
桐負賞音共剪蠟花看妙繪山亭春色當登臨

少詹家在

洮湖山山之下
禹鴻臚為作圖

題年筠亭度子跋拙書

欲見毫端一線光

宮庶云香泉須發婆
心度世放一線光

空齋槌搗響琅琅

月來水面尤難掩山被春風分外蒼

題自書草體

點黥文綾與白藤何人手勢解憑陵海風萬里能
開闔吹起寒濤拍大鵬

二月二十三日雪登商丘冢宰韻

光明疑欲遍河沙靜裏元田養白鴉也聽客談盈
座骨儘教風舞落簷花長宵杯酌情何近幾處園
林暖尚賒莫是離居天為惜繽紛報我以瓊華

贈趙東籬

豈襲東籬名用以託其傲乞詩獨行吟孤懷同祭
竈

其二

皦皦素絲節的的凌霜花相望一千載不必問陶
家

題幔亭世叔杏花春燕扇

酒觥詩情未必非看來春暖日霏微只教惆悵東
風裏帘外花明乙鳥歸

次歐陽公豐樂亭小飲詩韻題曹廉讓花

前翁行樂卷

啞泉鵬海三萬里拾得老骨歸蠻中長安市上一
笑見驚道跨鶴乘罡風春晴陌頭競桃李滿眼猶
辨白與紅莫辭中山醉千日豈戀侏儒粟幾鍾人
生只合看花去搔首無庸問碧翁

雪霽後有客誦無題詩者戲疊前韻

光斂銀螺對白沙扶桑晴色浴金雅上清臺閣皆
粧玉僊子窗扉別貯花渡海託波微有信尋源誤
到莫教賒羊權情思渾無定可降疑峯萼綠華

無題

寶花障外可聞聲未必西家袒欲成清逸綺筵迴
杜牧芳菲時節惱韓翃豈能遣此將求解不到隨

春尚有情若是主書供問荅好傳題署五雲名

其二

鶯鶯燕燕趁花來一寸相思未盡灰盪漿渡頭桃
葉苦湔羣水上柳枝回想要瓊瑋延修袖定掩春
山惜上才多事生增雲共雨祇憑夢見楚王臺

其三

已罷南遷戲作詩翻教求鳳片竟隨登樓鶯自聞
春轉詠雪人誰託麗詞姝美幽閒動山谷容華離
恨怨知之勸君金縷衣猶在莫待無花空折枝

其四

百年苦樂在他人休道陳鴻筆墨新沈著作能迎

好好郭將軍解贈真真難逢琴酒當時客欲賞溪
山此日春爭奈指環無覓處何因重見玉簫身

意花詩

簾深地迴莫愁堂三月穠華惹恨長浪紫凡紅都
過了偏能打結是丁香

其二

嫩葉柔條別院新牆頭露出一枝春前身曾把河
陽種瞥見檀奴認得真

其三

水僊燈下似含啼玉靨盈盈翠袖低勸我譬如林
處士暗香疎影有梅妻

其四

見面懸知勝口傳無雙亭待月嬋娟一環初破明
明玉不要尋常聚八僊

問信

融融良夜月來虛鄂被香溫臥索居仙榼已陳狼
籍甚蘭香消息近何如

其二

已卜陳王夢不虛豈同潘令賦閒居無端隔壁聞
釵釧怪煞風流破六如

戊子春三月十四日曲讌罷有客慨慷坐
語似慰予心有賦

含情有恨煞清狂好事經心竊比方如聽憲王新
樂府汴州明月賦金梁

其二

綺筵一諾便生春直是當年謝茂秦花下倚風無
限美明珠翠羽傍才人

春杪寄所知

春日已過三月半春寒猶勒杏花開憎騰盼煞催
花信未見香塵印碧苔

其二

相思好鳥春風裏飛過花稍鎮自雙莫是東君故
相惱引人情味醉閒窗

題佟康侯畫山水

康侯子故友也

蒼翠連雲靜裏天山中不識是何年難拋幽興關
心甚負手楓林看瀑泉

春藹堂續集卷之二

圖書



元言空經卷之二

二四

